



შემოქმედებითი საქართველო

კონკურსი: თანამედროვე სახვითი ხელოვნების ხელშეწყობა თბილისსა და რეგიონებში

კონკურსის შესახებ

კონკურსის მიზანია ხელი შეუწყოს თანამედროვე ქართული სახვითი ხელოვნების განვითარებას, ადგილობრივი ხელოვნების პროდუქტის შექმნას და მის ინტერნაციონალიზაციას, სახვითი ხელოვნების სექტორში მოღვაწე ორგანიზაციების მდგრად განვითარებას.

კონკურსის პრიორიტეტებია საქართველოს რეგიონებში კულტურული რესურსის გაძლიერება, სახვითი ხელოვნების მდგრადი პლატფორმების შექმნა, ქართული ხელოვნების პროდუქტის განვითარება და პოპულარიზაცია.

საქართველოში შემდეგი ტიპის აქტივობების ხელშეწყობა: სახელოვნებო პლატფორმები, ტრადიციული და თანამედროვე ხელოვნების გამოფენები, რეზიდენციები, სემინარები და სხვა ტიპის ღონისძიებების გამართვა, *გარდა სახელოვნებო ფესტივალებისა.*

ვის შეუძლია მონაწილეობის მიღება

საქართველოში რეგისტრირებულ: საჯარო სამართლის იურიდიულ პირებს, არასამთავრობო და კომერციულ ორგანიზაციებს.

პროექტით გათვალისწინებული თანხის მოცულობა

კონკურსის ფარგლებში სსიპ „შემოქმედებითი საქართველოდან“ მოთხოვნილი მაქსიმალური თანხა არ უნდა აღემატებოდეს **25,000** ლარს (ყველა გადასახადის გათვალისწინებით). აღნიშნული თანხა არ უნდა ითვალისწინებდეს მატერიალური/არამატერიალური აქტივების და ინფრასტრუქტურული მომსახურებების შესყიდვას.

კონკურსის ვადები

1. საკონკურსო განაცხადები მიიღება წელიწადში ორჯერ: 2019 წლის **15 თებერვლიდან-15 მარტამდე** და 2019 წლის **13 ივნისიდან-15 ივლისამდე**;
2. გამარჯვებულ პროექტებზე გადაწყვეტილებას იღებს სპეციალურად მოწვეული კომისია, საპროექტო განაცხადის მიღების ვადის ამოწურვიდან 10 სამუშაო დღეში;
3. პროექტით გათვალისწინებული აქტივობების დაწყება შესაძლებელია მხოლოდ გამარჯვებულ აპლიკანტთან ხელშეკრულების გაფორმების შემდეგ, რომელიც გაფორმდება კომისიის მიერ გადაწყვეტილების მიღებიდან არაუგვიანეს 5 სამუშაო დღისა;
4. ყველა პროექტი უნდა დასრულდეს და საბოლოო ფინანსური და შინაარსობრივი ანგარიში წარმოდგენილი უნდა იყოს არაუგვიანეს **2019 წლის 1 დეკემბრისა**.

კონკურსის პირობები

1. გამარჯვებული პროექტი შესაძლებელია გამოვლინდეს მხოლოდ კონკურსის გზით, ხოლო დაფინანსება გაიცემა უნაღდო ანგარიშსწორების სახით, მხოლოდ საკონკურსო კომისიის მიერ გამარჯვებულად გამოვლენილ პროექტებზე;
2. **პრიორიტეტი მიენიჭება** თანადაფინანსების მქონე პროექტებს და იმ პროექტებს რომლებსაც, მიმდინარე წელს, არ აქვთ მიღებული დაფინანსება განათლების, მეცნიერების, კულტურის და სპორტის სამინისტროდან;
3. გამარჯვებული პროექტის ბიუჯეტით გათვალისწინებული თანხა ჩაირიცხება ორ ეტაპად: 80%-მდე ხელშეკრულების გამფორმების შემდგომ, წინასწარ წარმოდგენილი გასაწევი ხარჯის დამადასტურებელი დოკუმენტაციის საფუძველზე, ხოლო დარჩენილი თანხა ჩაირიცხება საბოლოო ანგარიშის (ფინანსური და შინაარსობრივი) წარმოდგენის და მიღება-ჩაბარების აქტის შედგენის შემდეგ, რომლის წარმოდგენის თარიღი განისაზღვრება ინდივიდუალურად, ხელშეკრულების საფუძველზე;
4. პროექტის ფარგლებში, ხელშეკრულების გაფორმებამდე გაწეული ხარჯს სსიპ „შემოქმედებითი საქართველო“ არ აანაზღაურებს;
5. სსიპ „შემოქმედებითი საქართველოს“ მხრიდან მოთხოვნილი თანხის სახელფასო ფონდი არ უნდა აღემატებოდეს აღნიშნული თანხის 35 %-ს;
6. სსიპ-ს „შემოქმედებითი საქართველო“ და განათლების, მეცნიერების, კულტურის და სპორტის სამინისტროს უფლება აქვთ შეზღუდვის გარეშე გამოიყენონ მხარდაჭერილი პროექტის ფარგლებში შექმნილი ინტელექტუალური საკუთრების ციფრული ან /და ნაბეჭდი ასლი, ნებისმიერი სახის აქტივობასა და სივრცეში.
7. სსიპ „შემოქმედებითი საქართველო“ კონკურსთან დაკავშირებულ საკითხებზე საკონსულტაციო შეხვედრებს მართავს, საკონკურსო ვადებში, ყოველ სამშაბათ დღეს 15:00 საათიდან 16:00 საათამდე, საკუთარ ოფისში, მისამართზე: ვ. დოლიძის ქუჩა, კორპუსი №28.

შერჩევის კრიტერიუმები

სსიპ „შემოქმედებითი საქართველო“ წარმოდგენილ აპლიკაციებს მხოლოდ ტექნიკურ ზედამხედველობას უწევს. საკონკურსო აპლიკაციას განიხილავს და აფასებს სპეციალურად მოწვეული საკონკურსო კომისია;

№	შეფასების კრიტერიუმი	ქულა
1	პროექტის საჭიროების ანალიზი - სექტორული, ადგილმდებარეობითი, რესურსული და სხვა საჭიროების მიხედვით.	15 ქულა
2	პროექტის კონცეფცია - საჭიროებების ანალიზთან მიმართებაში, კონცეფციის ინოვაციურობა და ღირებულება;	15 ქულა
3	პროექტის ვიზუალური მხარე - დაგეგმილი პროექტის რენდერები, ჩანახატები და პროექტების მაღალპროფესიული ვიზუალური მხარე.	15 ქულა
4	პროექტის მეთოდოლოგია - პროექტის მიზნებისა და საშუალებების/სტრატეგიის ეფექტური შერჩევა და საქმიანობათა ადეკვატური დაგეგმვა;	10 ქულა
5	ბიუჯეტი - ხარჯთეფექტიანობა და შესაბამისობა დაგეგმილ აქტივობებთან.	10 ქულა
6	პროექტის მდგრადობა და შედეგის ეფექტიანობა - როგორ უზრუნველყოფს პროექტი მიზნობრივ ჯგუფებზე გავლენას და მის მდგრადობას	10 ქულა
7	ორგანიზაციის უნარი - პროექტის განსახორციელებლად საჭირო რესურსები	5 ქულა
8	კონკურსთან რელევანტურობა - რამდენად პასუხობს პროექტი კონკურსის მიზნებსა და ამოცანებს.	10 ქულა
9	პროექტის მარკეტინგი - აუდიტორიის განვითარება, კომუნიკაცია, საზოგადოებასთან ურთიერთობა და სხვა.	10 ქულა
სულ		100 ქულა

როგორ წარვადგინოთ განაცხადი

- კონკურსში მონაწილე ორგანიზაციებმა მოთხოვნილი დოკუმენტები უნდა წარმოადგინონ მხოლოდ ელექტრონული სახით, პროექტთან დაკავშირებული ყველა შესავსები ფორმა იხილეთ შემოქმედებითი საქართველოს ვებ-გვერდზე – creativegeorgia.ge;
- საპროექტო განაცხადის ელექტრონული ფორმა და სხვა სავალდებულო დოკუმენტაცია უნდა გაიგზავნოს ელ. ფოსტაზე competition@creativegeorgia.ge 2019 წლის კონკურსის ვადის ამოწურვამდე, თბილისის დროით 18:00 საათამდე. წერილის სათაურის ველში აუცილებლად უნდა მიუთითოთ: **CFAD-2019-1** (თუ ელექტრონულად წარმოსადგენი დოკუმენტების მოცულობა აღემატება 20MB-ს, გთხოვთ, შეამციროთ ფაილების ზომა);

- საპროექტო განაცხადი მიღებულად ითვლება მხოლოდ იმ შემთხვევაში, როცა გამოგზავნილ საპროექტო განაცხადზე მიიღებთ დასტურს. თუ არ მიიღეთ დასტური ერთ სამუშაო დღეში გთხოვთ, დაგვიკავშირდეთ ელ-ფოსტაზე dato@creativegeorgia.ge ან khatiatchokhanelidze@gmail.com ან ტელეფონზე 555 000 931 დათო ნადირაძე – პროგრამის მენეჯერი; 593750076 ხატია ჭოხონელიძე - პროგრამის კოორდინატორი;
- რეკომენდირებულია, განაცხადები წარმოადგინოთ საკონკურსო ვადის ამოწურვამდე მინიმუმ ერთი სამუშაო დღით ადრე, რათა ტექნიკური ხარვეზის არსებობის შემთხვევაში დროულად აღმოიფხვრას პრობლემა.

კონკურსში მონაწილეობის მისაღებად წარმოსადგენი ყველა სავალდებულო დოკუმენტის ჩამონათვალი

1. პროექტის განაცხადი შევსებული თანდართულ PDF ფორმატში;
2. დანართი №1 - დეტალური ბიუჯეტი (ბიუჯეტი უნდა იყოს ხელმოწერილი და ბეჭედდასმული, ასეთის არსებობის შემთხვევაში) წარმოდგენილი PDF ფორმატში;
3. დანართი №2 – პროექტის განმახორციელებელი გუნდის ძირითადი წევრებისა და ხელოვანების რეზიუმეები/CV-ები ან პროფესიული ბიოგრაფიები;
4. დანართი №3 – თანხმობის წერილი პროექტში მონაწილეობაზე (პარტნიორი ორგანიზაციის და ძირითადი მონაწილე ხელოვანების/კურატორების, არსებობის შემთხვევაში);
5. დანართი №4 - განმცხადებელი ორგანიზაციის, ბოლო 6 თვის მანძილზე განახლებული ამონაწერი სამეწარმეო რეესტრიდან <https://public.reestri.gov.ge/>
6. თანადაფინანსების არსებობის შემთხვევაში, დონორის მიერ გაცემული წერილი/დოკუმენტი თანადაფინანსების არსებობის შესახებ;
7. პორტფოლიოები: ორგანიზაციის და პროექტში ჩართული ხელოვანების.

კონკურსის ფარგლებში არსებული ყველა სავალდებულო დოკუმენტი წარმოდგენილი უნდა იყოს ქართულ ენაზე. უცხოენოვანი დოკუმენტის წარმოდგენა შესაძლებელია მხოლოდ ნოტარიულად დამოწმებული თარგმანის შემთხვევაში.

დაგვიანებით წარმოდგენილი ან/და არასრულად შევსებული განაცხადის ფორმები ვერ მიიღებენ კონკურსში მონაწილეობას.

ამ კონკურსში პროექტის წარმოდგენით მონაწილე ორგანიზაციები ადასტურებენ, რომ წარმოდგენილი პროექტი მხოლოდ მათი ნამუშევარია. კონკურსის დროს მიღებულ დოკუმენტებს სსიპ „შემოქმედებითი საქართველო“ მხოლოდ განხილვის მიზნით გამოიყენებს და არ გაუზიარებს გარეშე პირებს ან ორგანიზაციებს, გარდა საქართველოს კანონმდებლობით

გათვალისწინებული ან პროექტის ავტორების მოთხოვნის შესაბამისად განსაზღვრული შემთხვევებისა.

საკონტაქტო ინფორმაცია

კონკურსთან დაკავშირებული კითხვების შემთხვევაში შეგიძლიათ დაგვიკავშირდეთ ელექტრონული ფოსტით მისამართზე dato@creativegeorgia.ge ან khatiatchokhonelidze@gmail.com